

expresso haberi volumus uberius contineatur. Nos qui maiestatem tuam pietate, Religionis zelo, ac in Nos, & Apostolicam Sedem observantia, aliisque Christianissimo Rege dignis virtutibus eximie præfulgentem in visceribus paternæ gerimus charitatis, firmiter in Domino sperantes fore, ut tam tu, quam Successores tui Reges Christianissimi Gloriosi antecessorum Regum vestigiis inhærentes, Religionem Christianam, & Fidem Orthodoxam tue, & propagare, dictæque Sedis Apostolicæ honorem, & auctoritatem in univērsis ejusdem maiestatis tue, & ipsorum Regum Successorum dominiis semper illibatos conservare omni studio curaturi, ac in nominandis ad infra scripta Beneficia personis quæ vitæ integritate, religione, fide, & doctrina præsent, summum studium, summamque diligentiam semper adhibitori, nec conscientiam vestram, ea in re ullo modo ledi passuri sitis, ampliorem tibi, tuisque successoribus prædictis exercendæ erga personas benemeritas regie beneficiæ facultatem Apostolica benignitate duximus concedendam. Itaque motu proprio, ac ex certa scientia nostris, deque Apostolicæ potestatis plenitudine, eidem maiestati tuæ, ac Successoribus tuis Francorum Regibus Christianissimis in unitate Catholica Fidei, ac Sedis Apostolicæ prædictæ obedientia perseverantibus jus nominandi Nobis, & pro tempore existentibus Romanis Pontificibus Successoribus nostris personas probatas bonorum nominis, & famæ, ac secundum Sacrorum Canonum, & Concilii Tridentini Decretorum dispositionem idoneas, ad quæcumque, & qualiacumque Beneficia Ecclesiastica secularia, & quorumvis Ordinum, Congregationum, & Institutum, non tamen Hospitalis Sancti Joannis Hierosolymitani, regularia, etiam si secularia, Canonicatus, & Præbendæ, dignitates etiam post Pontificalem majores in Cathedralibus, ac principales in Collegiatis Ecclesiis, personatus, administrationes, & officia, regularia vero Beneficia huiusmodi Monasteria etiam consistorialia, & in libris Camera Apostolicæ taxata, Prioratus etiam Conventuales, Præposituræ, Præpositus, Præceptoræ, & Officia (non tamen claustralia) fuerint, & ad illa consueverint, qui per electionem, seu alium quemcumque modum assumi, exceptis tamen Parochialibus Ecclesiis, earumque perpetuis Vicariis, & aliis Beneficiis curam Sacramentalem animarum Parochianorum annexam quomodolibet habentibus omnibus in præfatis Meten., Tullen., & Viridunen. Civitatibus, earumque Territoriis tuæ Ditioni, & Dominio temporali de præfatis subiectis dumtaxat consistentia quæ extra Romanam Curiam quibusvis modis, et ex quorumcumque personis vacare contigerit, et quorum collatio, promissio, et omnimoda dispositio Nobis, et Successoribus nostris prædictis, & dictæ Sedi quomodolibet, non tamen ratione obitus apud Sedem

eamdem, reservata existat per Nos, et Successores nostros prædictos Monasteriis, Prioratibus, aliisque Beneficiis prædictis ad nominationem huiusmodi præficiendas et quibus eadem Monasteria, Prioratus, et alia Beneficia huiusmodi respective per Nos, dictosque Successores nostros conferri debeant, tenore præsentium reservamus pariter, ac concedimus, et assignamus.

§.2. Decernentes jus nominandi huiusmodi ad Monasteria, Prioratus, et alia Beneficia prædicta tibi, tuisque Successoribus Regibus memoratis Civitates Meten. Tullen., et Viridunen., earumque territoria prædicta pro tempore possidentibus competere debere, neque sub quacumque quantumvis speciali derogatione comprehendendi, vel ei quovis modo, & ex quacumque causa derogari, & si derogari contingat, id minime suffragari posse, & nihilominus quæcumque Monasteriorum, Prioratum, & aliorum Beneficiorum huiusmodi provisiones, commendas, & alias de eis dispositiones etiam cum juris nominandi huiusmodi derogatione contra eorumdem præsentium tenorem etiam per Nos, & Successores nostros prædictos, ac Sedem eandem absque tuis Successorumque tuorum Regum prædictorum nominationibus, etiam motu, scientia, & potestatis plenitudine similibus quoquo modo pro tempore faciendas, & desuper faciendas literas, & inde secutura quæcumque nulla, & invalida, nulliusque roboris, & momenti fore, & esse, Teque, vel memoratos Reges Successores tuos ad docendum de literis prædictis, seu illas ostendendum, & in eis contenta quæcumque iustificandum minime teneri, sed eisdem præsentibus tantum uti posse, illisque tam in iudicio, quam extra illud stari debere; Sicque, & non aliter per quoscumque Iudices, & Commissarios quavis auctoritate fungentes, etiam causarum Palatii Apostolici Auditores, ac ejusdem S. R. E. Cardinales, sublata eis, & eorum quilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§.3. Non obstantibus quibusvis generalibus, vel specialibus Monasteriorum, & Prioratum, aliorumque Beneficiorum, prædictorum reservationibus, seu affectio-nibus Apostolicis per quoscumque Romanos Pontifices Prædecessores nostros, ac Nos, & Sedem eandem quomodolibet factis, seu pro tempore faciendis, necnon Cancellariæ Apostolicæ Regulis editis, & edendis, ac quibusvis aliis Apostolicis necnon in univērsalibus, provincialibusque Conciliis editis generalibus, vel specialibus Constitutionibus, & Ordinationibus, ac quarumcumque Ecclesiarum, & Monasteriorum, illorumque Ordinum etiam iuramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis,

Claustrum si-
blata, & de-
cretum. i. c. i.
tant.

Contrariis
derogat.

& Literis Apostolicis, etiam quavis claustris, & reservationibus in se continentibus per eosdem Prædecessores, ac Nos, & Sedem eandem Ecclesiis, & Monasteriis, illorumque Capitulis, Conventibus, & Ordinibus, aliisque personis quomodolibet concessis, confirmatis, & innovatis. Quibus omnibus, & singulis etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per claustris generales idem importantes mentio, seu quævis alia expressio habenda, aut aliqua alia exequita forma ad hoc servanda foret, illorum omnium, & singulorum tenores, præsentibus pro plene, & sufficienter expressis, & ad verbum insertis habentes, illis alias in suo robore permanentibus ad præmissorum effectum, hac vice dumtaxat specialiter, & expresse, motu, scientia, & potestatis plenitudine paribus derogamus, & plene derogatum esse volumus, ceterisque contrariis quibuscumque.

§.4. Volumus autem, ut tam Tu, quam Successores tui Reges prædicti intra sex menses a die vacationis Monasteriorum, Prioratum, aliorumque Beneficiorum huiusmodi computandos, personas idoneas Nobis, & pro tempore existenti Romano Pontifici pro collatione, provisione, seu commendæ obtinenda, nominare omnino teneamini, & ad Monasteria, seu Prioratus huiusmodi in titulum concedi solita, clerici seculares, vel alterius, quam Monasterii, seu Prioratus ad quod, seu quem eos per te, vel Successores tuos Reges prædictos nominari contigerit, Ordinis regulares nominandi habitum per Fratres, seu Monachos illius Monasterii, seu Prioratus gestari solitum suscipere, & professionem per eosdem Fratres, seu Monachos emitti consuetam expresse emittere, omnesque, & singuli nominati prædicti super Monasteriis, Prioratibus, & aliis Beneficiis quibuscumque præfatis quoscumque valoris anni etiam minimi existant, Literas Apostolicas, collationis, provisionis, seu Commendæ respective sub Plumbo intra alios sex menses a die factæ nominationis computandos expedire, ac Jura Camera Apostolicæ, & aliis propterea debita persolvere omnino teneantur, alioquin dictis sex mensibus respective elapsis de Monasteriis, & Prioratibus, aliisque Beneficiis prædictis, ut præfertur vacantibus per Nos seu pro tempore existentem Romanum Pontificem libere disponi possit.

Datum Romæ apud S. M. M. sub Anno Piscatoris, die 23. Martii 1668. Pontificatus nostri Anno I.

Dat. die 23.
Mar. 1668.
An. I.

Ex Regest. in
Secret. Brv.

Innovatio Constitutionis Pauli V. contra Fratres Ordinis Minorum S. Francisci de Observantia Provinciae Aquitanie antiquioris favore personarum extra Bull. Rom. Tom. VI. Par. VI.

eundem Ordinem constitutarum emendantes, illisque utentes ad obtinend. officia editæ.

CLEMENS PAPA NONUS

Ad futuram rei memoriam.

§.1. Alias emanarunt a fel. rec. Paulo Papa V. Prædecessore nostro litteræ in simili forma Brevis tenoris, qui sequitur, videlicet Paulus Papa V. ad perpetuam rei memoriam. Admonemur pastoralis officii &c. Reliqua ut in suo loco.

§.2. Cum autem, sicut dilectus filius Simeon Duqua Frater, & Procurator Provinciae Aquitanie antiquioris Ordinis Fratrum Minorum S. Francisci de Observantia nuncupatorum Nobis nuper exponi fecit, ad ejus munus spectet quietem, & tranquillitatem Capituli Provincialis dictæ Provinciae propediem celebrandi procurare, pacem vero, & tranquillitatem huiusmodi perturbet ambitio quorundam Fratrum favores ad obtinenda diversa ejusdem Provinciae officia undequaque mendicantium, unde varie inter Fratres controversiæ, multaque scandala oriuntur: Nobis propterea dictus Simeon humiliter supplicari fecit, ut his imminētibus malis occurrere, ambitioni viam præcludere, ac quieti dictæ Provinciae consulere, eaque de causa censuras, & penas in litteris præinfertis latas innovare, de benignitate apostolica dignaremur.

§.3. Nos igitur ipsum Simeonem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutas fore censentes, huiusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, præinfertas Pauli Prædecessoris literas, omniaque, & singula in eis contenta, auctoritate apostolica, tenore præsentium confirmamus, & innovamus.

§.4. Decernentes easdem præfatas, & præinfertas literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus, & singulis memoratæ Provinciae Fratibus, & personis inviolabiliter observari; sicque in præmissis per quoscumque Iudices ordinarios, & delegatos, etiam causarum Palatii Apostolici Auditores iudicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§.5. Non obstantibus Constitutionibus, Ordinationibus Apostolicis, ac quatenus opus sit, Ordinis, & Provinciae huiusmodi

Motiva.

Innovat, &
confirmat. P.
t. i. c. i.

Contrariis
derogat.

Derogatio
contrarium

di, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium premissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad premissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 24. Martii 1668. Pontificatus nostri Anno I.

LII.

Ex Regest. in Secret. Brev. Litterae Processus publicatae die Coena Domini 1668.

CLEMENS EPISCOPUS

SERVUS SERVORUM DEI

Ad futuram rei memoriam.

Exordium. P Astoralis Romani Pontificis vigilantia, & sollicitudo, cum in omni Christianae Reipublicae pace, & tranquillitate procuranda, pro sui muneris officio assidue versatur, tum potissimum in Catholicae Fidei sine qua impossibile est placere Deo, unitate, atque integritate retinenda, et conservanda, maxime elucet. Nimirum, ut fideles Christi non sint parvuli fluctuantes, neque circumferantur omni vento doctrinae in nequitia hominum, ad circumventionem erroris, sed omnes occurrant in unitatem fidei, & agnitionis filii Dei in virum perfectum, neque se in hujus vitae societate, & communione ledant, aut inter se alter alteri offensionem praebant, sed potius in vinculo charitatis conjuncti, tanquam unius corporis membra sub Christo capite, ejusque in Terris Vicario Romano Pontifice Beatissimi Petri Successore a quo totius Ecclesiae unitas dimanat, augeantur in aedificationem, atque ita divina gratia adjunctrice, sic praesentis vitae quiete gaudeant, ut futura quoque beatitudine perfruantur. Ob quas sane causas Romani Pontifices Praedecessores nostri, hodierna die, quae anniversaria Dominicae Coenae commemoratione sollemnis est, spirituale, ecclesiasticae disciplinae gladium, & salutaria iustitiae arma per ministerium summi Apostolatus ad Dei gloriam, & animarum salutem solemniter exercere consueverunt. Nos igitur, quibus nihil optabilius est, quam fidei inviolatam integritatem, publicam pacem, & iustitiam, Deo auctore tueri, vetustum, & solemnem hunc morem sequentes.

Excommunicatio prout in Rubricis. I. Excommunicamus, & anathematizamus ex parte Dei Omnipotentis Patris, et Filii, et Spiritus Sancti, auctoritate quo-

que Beatorum Apostolorum Petri, et Pauli: ac nostra quoscumque Hussitas, Wicaphistas, Luteranos, Quingianos, Calvinistas, Ugonottos, Anabaptistas, Trinitarios, et a Christiana Fide Apostatas, ac omnes, et singulos alios Haereticos quocumque nomine censeantur, et cuiuscumque Septae existant, ac eis credentes, eorumque receptatores, fautores, et generaliter quoslibet illorum defensores, ac eorundem libros haeresim continentes, vel de religione tractantes, sine auctoritate nostra, et Sedis Apostolicae scienter legentes, aut retinentes, imprimentes, seu quomodolibet defendentes ex quavis causa publice, vel occulte quovis ingenio, vel colore, necnon Schismaticos, et eos, qui se a nostra, et Romani Pontificis pro tempore existentis obedientia pertinaciter subtrahunt, vel recedunt.

II. Item excommunicamus, et anathematizamus omnes, et singulos cuiuscumque status, gradus, seu conditionis fuerint; Universitates vero, Collegia, Capitula quocumque nomine nuncupentur interdiciamus, ab ordinationibus, seu mandatis nostris, ac Romanorum Pontificum pro tempore existentium ad universale futurum Concilium appellantes, necnon eos quorum auxilio, consilio, vel favore appellatum fuerit.

III. Item excommunicamus, et anathematizamus omnes Piratas, Cursarios, ac Larunculos maritimos, discurrantes mare nostrum praecipue a Monte Argentario usque ad Terracinam, ac omnes eorum fautores, receptatores, et defensores.

IV. Item excommunicamus, et anathematizamus omnes, et singulos qui Christianorum quorumcumque Navibus, tempestate, seu in transversum (ut dici solet) iactatis, vel quoquomodo naufragium passis, sive in ipsis Navibus, sive ex eisdem ejecta in mari, vel in littore inventa cuiuscumque generis bona, tam in nostris Tyrreni, et Adriatici, quam in ceteris cuiuscumque Maris regionibus, et littoribus surripuerint, ita ut nec ob quodcumque privilegium, consuetudinem, aut longissimi, et immemorabilis temporis possessionem, seu alium quemcumque praetextum excusari possint.

V. Item excommunicamus, et anathematizamus omnes, qui in Terris suis nova Pedagia, seu Gabellas, praeterquam in casibus sibi a jure, seu ex speciali Sedis Apostolicae licentia permissis imponunt, vel augent, seu imponi, vel augeri prohibita exigunt.

VI. Item excommunicamus, et anathematizamus omnes falsarios Literarum Apostolicarum etiam in forma Brevis, ac supplicationum gratiam, vel iustitiam concernentium per Romanum Pontificem, vel S. R. E. Vice-Cancellarios, seu gerentes vices eorum, aut de mandato ejusdem Romani Pontificis signatarum, necnon falso fabricantes Literas Apostolicas, etiam in forma Brevis, & etiam falso signantes supplica-

plicationes hujusmodi sub nomine Romani Pontificis, seu Vice-Cancellarii, aut gerentium vices praedictorum.

VII. Item excommunicamus, & anathematizamus omnes illos, qui ad Sarcenos, Turcas, & alios Christiani nominis hostes, & inimicos, vel Haereticos per nostras, sive hujus Sanctae Sedis sententias expresse, & nominatim declaratos deserunt, seu transmittunt Equos, arma, ferrum, filum ferri, stannum, chalybem, omniaque alia metallorum genera, atque bellica instrumenta, lignamina, canapem, funes, tam ex ipso canape, quam alia quacumque materia, & ipsam materiam, aliaque hujusmodi, quibus Christianos, & Catholicos impugnant, necnon illos, qui per se, vel alios de rebus statum Christianae Reipublicae concernentibus, in Christianorum perniciem, & damnum, ipsos Turcas, & Christianae Religionis inimicos, necnon haereticos in damnum Catholicae Religionis certiores faciunt, illisque ad id auxilium, consilium, vel favorem quomodolibet praestant; Non obstantibus quibuscumque privilegiis quibusvis personis, Principibus, Rebuspublicis per Nos, & Sedem praedictam hactenus concessis de hujusmodi prohibitione expressam mentionem non facientibus.

VIII. Item excommunicamus, & anathematizamus omnes impediennes, seu invadentes eos, qui visualia, seu alia ad usum Romanae Curiae necessaria adducunt, ac etiam eos, qui ne ad Romanam Curiam adducantur, vel afferantur, prohibent, impediunt, seu perturbant, seu haec facientes defendunt per se, vel alios cuiuscumque fuerint ordinis, praerogativa, conditionis, & status, etiam si Pontificali, seu Regali, aut alia quavis Ecclesiastica, vel mundana praesulgeant dignitate.

IX. Item excommunicamus, & anathematizamus omnes illos, qui ad Sedem Apostolicam venientes, & recedentes ab eadem sua, vel aliorum opera interficiunt, mutilant, spoliunt, capiunt, detinent: necnon illos omnes, qui Jurisdictionem ordinariam, vel delegatam, a Nobis, vel nostris Judicibus non habentes illam sibi temere vendicantes, similia, contra morantes in eadem Curia, audent perpetrare.

X. Item excommunicamus, & anathematizamus omnes interficientes, mutilantes, vulnerantes, detinentes, capientes, seu depradantes Romipetas, seu Peregrinos ad Urbem causa devotionis, seu peregrinationis accedentes, & in ea morantes, vel ab ipsa recedentes, & in his dantes auxilium, consilium, vel favorem.

XI. Item excommunicamus, & anathematizamus omnes interficientes mutilantes, vulnerantes, percutientes, capientes, carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Sedisque Apostolicae Legatos, vel Nuncios, aut eos a suis Dicecesibus, Territoriis, Ter-

ris, seu Dominiis eicientes: Necnon ea mandantes, vel rata habentes, seu praestantes in eis auxilium, consilium, vel favorem.

XII. Item excommunicamus, & anathematizamus omnes illos, qui per se, vel per alios, personas ecclesiasticas quascumque, vel seculares ad Romanam Curiam, super eorum causis, & negotiis recurrentes, ac illa in eadem Curia prosequentes, aut procurantes, negociorumque gestores, Advocatos, Procuratores, & Agentes, seu etiam Auditores, vel Judices super dictis causis, vel negotiis deputatos, occasione caularam, vel negociorum hujusmodi occidunt, seu quoquo modo percutiunt, bonis spoliunt, seu per se, vel per alios directe, vel indirecte, delicta hujusmodi committere, exequi, vel procurare, aut in eisdem auxilium, consilium, vel favorem praestare non verentur, cuiuscumque praerogativa, & dignitatis fuerint.

XIII. Item excommunicamus, & anathematizamus omnes tam Ecclesiasticos, quam seculares cuiuscumque dignitatis, qui praetextentes frivolum quandam appellationem a gravamine, vel futura executione Literarum Apostolicarum etiam in forma Brevis tam gratiam, quam iustitiam concernentium: Nec nec citationum, inhibitionum, sequestrorum, monitoriorum, processuum executivorum, & aliorum Decretorum a Nobis, & a Sede praedicta, seu Legatis, Nunciis, Praesidentibus Palatii nostri, & Camerae Apostolicae Auditoribus, Commissariis, aliisque Judicibus, & Delegatis Apostolicis emanatorum, & quae pro tempore emanaverint, aut alias ad Curias seculares, & laicam potestatem recurrunt, & ab ea, instante etiam Fisci Procuratore, vel Advocato, appellationes hujusmodi admitti, ac literas, citationes, inhibitiones, sequestra, monitoria, & alia praedicta capi, & retineri faciunt, quive illa simpliciter, vel sine eorum beneplacito, & consensu, vel examine executioni demandari, aut ne Tabeliones, & Notarii super hujusmodi literarum, & processuum executione, instrumenta, vel acta conficere, aut confecta, parti, cujus interest, tradere debeant, impediunt, vel prohibent, ac etiam partes, seu eorum Agentes, Consanguineos, Afines, Familiares, Notarios, Exequutores, & Subexequutores literarum, citationum, monitoriorum, & aliorum praedictorum capiunt, percutiunt, vulnerant, carcerant, detinent, ex Civitatibus, Locis, & Regnis eiciunt, bonis spoliunt, perterrefaciunt, concutiunt, & cominantur per se, vel alium, seu alios publice, vel occulte, quive alias quibuscumque personis in genere, vel in specie, ne pro quibusvis eorum negotiis prosequendis, seu gratis, vel literis impetrandis ad Romanam Curiam accedant, aut recursum habeant, seu gratias ipsas, vel Ineras a dicta Sede impetrent, seu impetratis untantur, directe, vel indirecte prohibere, statuere, seu mandare,

dare, vel eas apud se, aut Notarios, seu Tabelliones, vel alias quomodolibet retinere presumunt.

XIV. Item excommunicamus, & anathematizamus omnes, & singulos, qui per se, vel alios, auctoritate propria, ac de facto, quarumcumque exemptionum, vel aliarum gratiarum, & literarum Apostolicarum pretertextu beneficiales, & decimarum, ac alias causas spirituales, & spiritualibus annexas ab Auditoribus, & Commissariis nostris, aliisque Judicibus Ecclesiasticis advocant, illorumque cursum, & audientiam, ac Personas, Capitula, Conventus, Collegia, Causas ipsas prosequi volentes impediunt, ac se de illarum cognitione tanquam Judices interponunt: Quive partes actrices, quae illas committi fecerunt, & faciunt, ad revocandum, & revocari faciendum citationes, vel inhibitiones, aut alias literas in eis decretas, & ad faciendum, vel consentiendum eos, contra quos tales inhibitiones emanarunt, a censuris, & poenis in illis contentis absolvi, per statutum, vel alias compellunt, vel executionem literarum Apostolicarum, seu Exequutorialium, Processuum, ac Decretorum praedictorum quomodolibet impediunt, vel suum ad id favorem, consilium, aut assensum praestant, etiam pretertextu violentiae prohibendae, vel aliarum praesensionum, seu etiam donec ipsi ad Nos informandos, ut dicunt, supplicaverint, aut supplicari fecerint, nisi supplicationes hujusmodi coram Nobis, et Sede Apostolica legitime prosequantur, etiam si talia committentes fuerint Praesidentes Cancellarium, Consiliorum, Parliamentorum, Cancellarii, Vice-Cancellarii, Consilarii, Ordinarii, vel Extraordinarii quorumcumque Principum secularium, etiam si Imperiali, Regali, Ducali, vel alia quacumque praesulgeant dignitate, aut Archiepiscopi, Episcopi, Abbates, Commendatarii, seu Vicarii fuerint.

XV. Quive ex eorum praetextu officio, vel ad instantiam partis, aut aliorum quorumcumque personas Ecclesiasticas, Capitula, Conventus, Collegia Ecclesiarum quarumcumque coram se, ad suum Tribunal, Audientiam, Cancellariam, Consilium, vel Parlamentum praeter Juris Canonici dispositionem trahunt, vel trahi faciunt, vel procurant directe, vel indirecte quovis quaesito colore: necnon qui Statuta, Ordinationes, Constitutiones, Pragmaticas, seu quavis alia Decreta in genere, vel in specie ex quavis causa, et quovis quaesito colore, ac etiam pretertextu cujusvis consuetudinis, aut privilegii, vel alias quomodolibet fecerint, ordinaverint, et publicaverint, vel factis, et ordinatis usi fuerint, unde libertas Ecclesiastica tollitur, seu in aliquo laeditur, vel deprimitur, aut alias quovis modo restringitur, seu nostris, & disca Sedis, ac quarumcumque Ecclesiarum iuris quomodolibet directe, vel indirecte tacite, vel expresse praedjudicatur.

XVI. Necnon qui Archiepiscopos, Episcopos, aliosque superiores, & inferiores Praelatos, & omnes alios quoscumque Judices Ecclesiasticos ordinarios quomodolibet, hac de causa directe, vel indirecte carcerando, vel molestando eorum Agentes, Procuratores, Familiares, necnon, consanguineos, & affines, aut alias impediunt, quo minus sua Jurisdictione Ecclesiastica contra quoscumque utantur, secundum quod Canones, & Sacrae Constitutiones Ecclesiasticae, & Decreta Conciliorum generalium, & praesertim Tridentini, statuunt, ac etiam eo, qui post ipsorum Ordinariorum, vel etiam ab eis delegatorum quorumcumque sententias, & decreta, aut alias fori Ecclesiastici Judicium eludentes ad Cancellarias, & alias Curias seculares recurrunt, & ab illis prohibitiones, & mandata, etiam poenalia Ordinarii, & delegatis praedictis decerni, & contra illos exequi procurant, eos quoque qui haec decernunt, & exequuntur, seu dant auxilium, consilium, patrocinium, & favorem in eisdem.

XVII. Quive jurisdictionem, seu fructus, redditus, & proventus ad Nos, & Sedem Apostolicam, & quascumque Ecclesiasticas personas ratione Ecclesiarum, Monasteriorum, & aliorum Beneficiorum Ecclesiasticorum pertinentes usurpant, vel etiam quavis occasione, vel causa sine Romani Pontificis, vel aliorum ad id legitimam facultatem habentium expressa licentia sequestrant.

XVIII. Quive collectas, decimas, tales, praestantias, & alia onera Clericis, Praelatis, & aliis personis Ecclesiasticis, ac eorum, & Ecclesiarum, Monasteriorum, & aliorum Beneficiorum Ecclesiasticorum bonis, illorumque fructibus, redditibus, & proventibus hujusmodi absque simili Romani Pontificis speciali, & expressa licentia imponunt, & diversis etiam exquisitis modis exigunt, aut sic imposta, etiam a sponte dantibus, & concedentibus, recipiunt. Necnon qui per se, vel alios directe, vel indirecte praedicta facere, exequi, vel procurare, aut in eisdem auxilium, consilium, vel favorem praestare non verentur, cujuscumque sint praesentiae, dignitatis, ordinis, conditionis, aut status, etiam Imperiali, aut Regali praesulgeant dignitate, seu Principes, Duces, Comes, Barones, & alii Potentatus quicumque etiam Regnis, Provinciis, Civitatibus, & Terris quoquomodo Praesidentes, Consilarii, & Senatores, aut quavis etiam Pontificali dignitate insigniti. Innovantes Decreta super his per Sacros Canones tam in Lateranensi novissime celebrato, quam aliis Conciliis generalibus edita etiam super censuris, & poenis in eis contentis.

XIX. Item excommunicamus, & anathematizamus omnes, & quoscumque Magistratus, et Judices, Notarios, Scribas, Exequutores, Subexequutores quomodolibet se interponentes in causis capitalibus, seu criminalibus contra personas ecclesiasticas,

stias, illas processando, banniendo, capiendo, seu sententias contra illas processando, vel exequendo sine speciali, specifica, et expressa hujus Sanctae Sedis Apostolicae licentia, quique hujusmodi licentiam ad personas, et casus non expressos extendunt, vel alias illa perperam abutuntur, etiam si talia committentes fuerint Consilarii, Senatores, Praesidentes, Cancellarii, Vice-Cancellarii, aut quovis alio nomine nuncupati.

XX. Item excommunicamus, & anathematizamus omnes illos qui per se, seu alios directe, vel indirecte sub quocumque titulo, vel colore invadere, destruere, occupare, et detinere praesumpserint in totum, vel in partem, Almam Urbem, Regnum Siciliae, Insulas Sardiniae, et Corsicae, Terras circa Pharam, Patrimonium Beati Petri in Thufcia, Ducatum Spoletanum, Comitatum Venasium, Sabinen, Marchiae Anconitanae, Masse Trebariae, Romandiola, Campaniae, & Maritimas Provincias, illarumque Terras, & Loca, ac Terras specialis commissionis Arulforum, Civitatesque nostras Bononiam, Casenam, Ariminum, Beneventum, Perusium, Avenionem, Civitatem Castellum, Tudertum, Ferrariam, Comaclum, & alias Civitates, Terras, et loca, vel iura ad ipsam Rom. Ecclesiam pertinentia, disteque Rom. Ecclesiae mediate, vel immediate subiecta: necnon Supremam Jurisdictionem in illis Nobis, et eidem Rom. Ecclesiae competentem de facto usurpare, perturbare, retinere, et vexare variis modis praesumpserint, necnon adherentes, fautores, & defensores eorum, seu illis auxilium, consilium, vel favorem quomodolibet praestantes.

Volentes praesentes nostros Processus, ac omnia, & quaecumque his literis contenta, quovis alii hujusmodi Processus a Nobis, aut Romano Pontifice pro tempore existente fiant, aut publicentur durare, suosque effectus omnino fortiri.

Ceterum a praedictis sententiis nullus per alium, quam per Romanum Pontificem nisi in mortis articulo constitutus, nec etiam tunc, nisi de stando Ecclesiae mandatis, & satisfaciendo, cautione praestata, absolvi possit, etiam pretertextu quarumvis facultatum, & indulgentiarum quibuscumque personis Ecclesiasticis secularibus, et quovis Ordinum, etiam Mendicantium, ac Militiarum regularibus etiam Episcopali, vel alia majori dignitate praeditis, ipsisque Ordinibus, & eorum Monasteriis, Conventibus, et Domibus, ac Capitulis, Collegiis, Confraternitatibus, Congregationibus, Hospitalibus, & Locis Piis, necnon Laicis etiam Imperiali, Regali, & alia mundana Excellentia fulgentibus per Nos, & dictam Sedem, ac cujusvis Concilii decreta, verbo, literis, aut alia quacumque scriptura in genere, vel in specie concessorum, & innovatorum, aut concedendorum, & innovandorum.

Quod si forte aliqui contra tenorem praesentium talibus excommunicatione, et

anathemate laqueatis, vel eorum alicui absolutionis beneficium impendere de facto praesumpserint, eos excommunicationis sententiae innodamus, gravius contra eos spiritualiter, & temporaliter, prout expedire noverimus processari.

Declarantes, ac protestantes quamcumque absolutionem etiam solemniter per Nos faciendam, praedictos excommunicatos sub praesentibus comprehensos, nisi prius a praemissis cum vero proposito ulterius similia non committendi, destiterint; Ac quoad eos, qui contra ecclesiasticam libertatem, ut praefertur, statuta fecerint, nisi prius Statuta, Ordinationes, Constitutiones, Pragmaticas, & Decreta hujusmodi publice revocaverint, & ex Archiviis, seu capitularibus locis, aut libris, in quibus adnotata reperiantur, deleri, & cassari, ac Nos de revocatione hujusmodi certiores fecerint, eos non comprehendere, nec eis aliter suffragari, quin etiam per hujusmodi absolutionem, aut quoscumque alios actus contrarios, tacitos, vel expressos, ac etiam per patientiam, & tolerantiam nostram, vel Successorum nostrorum quancumque tempore continuatam in praemissis omnibus, & singulis, ac quibuscumque iuris Sedis Apostolicae, ac Sanctae Rom. Ecclesiae undecumque, & quodcumque quaeritis, vel quaerendis nullatenus praedjudicari posse, aut debere.

Non obstantibus privilegiis, indulgentiis, indultis, & literis Apostolicis generalibus, vel specialibus supra dictis, vel eorum alicui, seu aliquibus aliis cujuscumque ordinis, status, vel conditionis, dignitatis, & praesentiae fuerint, etiam si, ut praefertur, Pontificali, Imperiali, Regali, seu quavis Ecclesiastica, & mundana praesulgeant dignitate, vel eorum Regnis, Provinciis, Civitatibus, seu Locis a praedicta Sede ex quavis causa, etiam per viam contractus, aut remunerationis, & sub quavis alia forma, & tenore, ac cum quibusvis clausulis etiam derogatarum derogatoriis concessis, etiam continentibus, quod excommunicari, anathematizari, vel interdicti non possint, per literas Apostolicas non facientes plenam, & expressam, ac de verbo ad verbum de privilegiis, indulgentiis, & indultis hujusmodi, ac de ordinibus, locis, nominibus propriis, cognominibus, & dignitatibus eorum mentionem, necnon consuetudinibus, etiam immemorabilibus, ac praescriptionibus quantumcumque longissimis, & aliis quibuslibet observantiis, scriptis, vel non scriptis per quae contra hos nostros processus, ac sententias quominus includantur in eis, se juvare valeant, vel tueri.

Quae omnia quoad hoc, eorum omnium tenores acti ad verbum nihil penitus omisso infererentur, praesentibus pro expressis habentes, penitus tollimus, & omnino revocamus, ceterisque contrariis quibuscumque.

Ut vero praesentes nostri processus ad publicam omnium notitiam facilius deducantur, chartas, seu membranas, processus

Contrariis derogat.

Affirmationem hujus processus manlat.

sus ipsos continentes, valvis Ecclesia Sancti Joannis Lateranen. Basilica Principis Apostolorum de Urbe appendi faciemus, ut illi, quos processus hujusmodi concernunt, quod ad ipsos non pervenerint, aut quos ipsos ignoraverint, nullam possint excusationem pretendere, aut ignorantiam allegare, cum non sit verisimile, id remanere incognitum, quod tam patenter omnibus publicatur. Insuper, ut processus ipsi, & presentes literae, ac omnia, & singula in eis contenta eo fiant notiora, quo in plerisque Civitatibus, & Locis fuerint publicata, in universis, & singulis Patriarchis, Primatibus, Archiepiscopis, Episcopis, & locorum Ordinariis, & Praelatis ubilibet constitutis, per haec scripta committimus, & in virtute sanctae obedientiae districte praecipiendo mandamus, ut per se, vel alium, seu alios presentes literas postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesiis suis dum in eis major populi multitudo ad divina convenerit, solemniter publicent, & ad Christifidelium mentes reducant, nuncient, & declarent.

Ceterum Patriarchae, Archiepiscopi, Episcopi, alique locorum Ordinarii, & Ecclesiarum Praelati, necnon Rectores, ceterique curam animarum exercentes, ac Presbyteri saeculares, & quorumvis Ordinum regulares ad audiendas peccatorum confessiones quavis auctoritate deputati, transumptorum praesentium literarum penes se habeant, easque diligenter legere, & percipere studeant. Volentes eorumdem praesentium transumptis, etiam impressis, Notarii publici manu subscriptis, & sigillo Judicis Ordinarii Romanae Curiae, vel alterius personae in dignitate Ecclesiasticae constitutae munitis, eandem prorsus fidem in iudicio, & extra illud ubique locorum adhibendam fore, quae ipsis praesentibus adhiberetur, si essent exhibitae, vel ostensa.

Nulli ergo omnino hominum liceat hanc paginam nostrae excommunicationis, anathematizationis, interdicti, innovationis, innovationis, declarationis, protestationis, sublationis, revocationis, commissionis, mandati, & voluntatis infringere, vel ei ausu temerario contraire; Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romae apud Sanctum Petrum Anno Incarnationis Dominicae millesimo sexcentesimo sexagesimo octavo, quarto Kalendas Aprilis, Pontificatus nostri Anno Primo.

LIII.

Concessio Jurispatronatus Regi Christianissimo, ejusque Successoribus nominandi ad Ecclesiam Atrebaten.

Transumptis
fides praestanda.

Dat. die 4.
Apr. 1668.
An.I.

Ex Regest. in
Secret. Brev.

Charissimo in Christo Filio nostro Ludovico Francorum Regi Christianissimo.

CLEMENS PAPA NONUS

Charissime in Christo Fili noster salutem, & Apostolicam benedictionem.

§.1. Praeclara Majestatis tuae, ac progenitorum, & majorum tuorum, Regum Christianissimorum, Principum longe clarissimorum, invictissimorumque Christi Athletarum, ac egregiorum Sedis Apostolicae cultorum promerita exigunt, ac praecipuus, quo eandem majestatem tuam filiali erga Nos, & eandem Sedem observantia, ac pietate, orthodoxae fidei conservandae, & propagandae zelo, aliisque Rege Christianissimo dignis virtutibus atque decoribus multipliciter praefulgentem prosequimur, paternae charitatis affectus Nos urget, atque impellit, ut Tibi, tuisque Successoribus Regibus Christianissimis luculenta Pontificiae nostrae benignitatis dona largiamur. Firma spe, atque fiducia in Domino freti, fore, ut tam Tu, quam Successores tui Reges praefati viae antecessorum Regum vestigiis impressae inherentes, Populos ditioni vestrae creditos in Fide Catholica, ac vetere erga Sedem praedictam obedientia continere pari laude conaturi, Constitutionesque Apostolicas in universis Dominiis vestris debite semper executioni mandari, ac Sedis ejusdem honorem, & auctoritatem illibatos conservari omni studio sitis curaturi.

§.2. Volentes itaque Tibi, qui (ut accepimus) Civit. Atrebaten. de presenti possides, tuisque Successoribus Regibus Francorum Christianissimis, quo Regiam benevolentiam erga personas benemeritas vobisque gratas, et acceptas exercere valeatis, gratiam facere specialem, ac sperantes Te, ac illos in nominandis ad Ecclesiam Atrebaten. nunc, & pro tempore Pastoris solatio destitutam personis, qua vite integritate, religione, fide, et doctrina praesent, ac Episcopalis muneris prerogativa dignae sint, summum studium, summamque diligentiam semper adhibituros, nec conscientiam vestram hac in re ullo modo laedi passuros esse, motu proprio, ac ex certa scientia nostris, deque Apostolicae potestatis plenitudine Tibi tuisque Successoribus Regibus Francorum Christianissimis, qui pro tempore eandem Civ. Atrebaten. possederint, jus nominandi personam idoneam in Theologia Magistrum, aut in Decretis Doctorem, seu licentiatum Nobilium Universitatum more diligenti examine praecedente promotum ad Ecclesiam Atrebaten. praedictam, nunc vacantem, & quotiescumque illam vacare contigerit, Nobis, & Romano Pontifici, qui pro tempore fuerit per Nos, & eundem Pontificem in Episcopum Atrebaten. ad nominationem hujusmodi instituendum, tenore praesentium in perpetuum referamus, atque concedimus, ac irritum, & inane, si secus super his a quoquam qua-

Proemium.

Concedit Pō-
tēx jus nomi-
nandi, prout
in rubrica.

qua-

quavis auctoritate scienter vel ignoranter contigerit attentari decernimus.

§.3. Non obstantibus Constitutionibus, & Ordinationibus Apostolicis ac praedictae Ecclesiae Atrebaten. etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis, etiam eidem Ecclesiae, ejusque Capitulo, ac quibusvis aliis sub quibuscumque tenoribus, & formis, ac cum quibusvis etiam derogatoriis derogatoriis aliisque efficacioribus, efficacissimis, & infolitis clausulis, irritantibusque, & aliis decretis etiam motu proprio, & ex certa scientia, ac consistorialiter concessis, ac etiam iteratis vicibus confirmatis, & innovatis, Quibus omnibus, etiam pro illorum sufficienti derogatione de illis, eorumque totis tenoribus specialis specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata inserti forent, praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, illaque adversus praemissa suffragari nullo modo posse, seu debere decernimus, ceterisque contrariis quibuscumque.

Datum Romae apud S. Petrum, sub Annulo Piscatoris, die 9. Apr. 1668. Pontificatus nostri Anno I.

LIV.

Confirmatio jurispatronatus, & praesentandi ad Ecclesiam Elnen., ac Monasteria consistorialia in Comitatus Ruscinonensi, & Confluentino, & parte Cerdanae versus Galliam consistentia pro Rege Christianissimo, & Successoribus.

Charissimo in Christo Filio nostro Ludovico Francorum Regi Christianissimo.

CLEMENS PAPA NONUS

Charissime in Christo Fili noster salutem, & Apostolicam benedictionem.

§.1. Praeclara Majestatis tuae, ac progenitorum, & majorum tuorum, Regum Christianissimorum, Principum longe clarissimorum, invictissimorumque Christi Athletarum, ac egregiorum Sedis Apostolicae cultorum promerita exigunt, ac praecipuus, quo eandem majestatem tuam filiali erga Nos, & eandem Sedem observantia, ac pietate, orthodoxae fidei conservandae, & propagandae zelo, aliisque Rege Christianissimo dignis virtutibus, atque decoribus multipliciter praefulgentem

Contrariis
derogat.

Dat. die 9.
Apr. 1668.
An.I.

Ex Regest. in
Secret. Brev.

Exordium.

Bull. Rom. Tom. VI. Par. VI.

prosequimur, paternae charitatis affectus Nos urget, atque impellit, ut Tibi, tuisque Successoribus Regibus Christianissimis luculenta Pontificiae nostrae benignitatis dona largiamur: firma spe, atque fiducia in Domino freti, fore, ut tam Tu quam Successores tui Reges praefati viae antecessorum Regum vestigiis impressae inherentes, Populos Ditioni vestrae credito in Fide Catholica, ac vetere erga Sedem praedictam obedientia continere pari laude conaturi, Constitutionesque Apostolicas in universis Dominiis vestris debite semper executioni mandari, ac Sedis ejusdem honorem, & auctoritatem illibatos conservari omni studio sitis curaturi: Volentes itaque Tibi, qui (ut accepimus) universum Comitatum, & Vicariam Ruscinonensem, Comitatum, & Vicariam Confluentinam (exceptis iis locis, quae in Pyreneorum parte Hispaniam spectante sita esse judicata sunt, itemque partem Comitatus Cerdanae, quam in parte Pyreneorum Galliam spectante sitam esse pariter judicatum fuit, Regiones, Urbes, Oppida, Castella, ex quibus Vicariae Ruscinonensis, & Confluentina, & ea pars Comitatus Cerdanae, de qua mox dictum est, constant, earum accessiones, appendices, & adjuncta de praesenti possides, et per totum annum 1666. possidisti, tuisque Successoribus Regibus Francorum Christianissimis, quo Regiam benevolentiam erga personas benemeritas, vobisque gratas, et acceptas exercere valeatis gratiam facere specialem, ac sperantes Te, ac illos in nominandis ad Ecclesiam Elnen., et Monasteria Consistorialia intra fines Ditionum, et locorum praedictorum a Te, ut praesertur possessorum consistentia personis, qua vite integritate, religione, fide, et doctrina praesent, ac Episcopalis muneris prerogativa respective dignae sint summum studium, summamque diligentiam semper adhibituros, nec conscientiam vestram hac in re ullo modo laedi passuros esse; motu proprio, & ex certa scientia, nostris, deque Apostolicae potestatis plenitudine Tibi, tuisque Successoribus Regibus Francorum Christianissimis in sinceritate, fidei, & unitate Sanctae Romanae Ecclesiae necnon obedientia, ac devotione nostris, & Successorum nostrorum Romanorum Pontificum canonicè intrantium perseverantibus, qui pro tempore Civitatem Elnen., ac Comitatus, & Vicarias Ruscinonensem, & Confluentinam, ac partem Comitatus Cerdanae in parte Pyreneorum Galliam, spectante sitam, Regiones, Urbes, Oppida, Castella, accessiones, appendices, & adjuncta praescripta, prout supra enunciatum est pro tempore possederint, jurispatronatus, & praesentandi personas probatas, honorum nominis, & fame, ac secundum Sacrorum Canonum, & Concilii Tridentini Decretorum dispositionem idoneas ad dictam Ecclesiam Elnen., ac omnia, & singula Monasteria consistorialia intra fines ditionum, & locorum praedictorum dumtaxat consistentia quotiescumque illam, &

Concedit jus
praesentandi
prout in rub.

l i illa

illa quovis modo, & ex quorumcumque etiam ejusdem S. R. E. Cardinalium personis etiam in Romana Curia, vacare contigerit, per Nos, & Romanos Pontifices Successores nostros predictos eidem Ecclesie Elnen., & Monasteriis respective ad presentationem hujusmodi proficiendas, tenore presentium de specialis dono gratie concedimus, & assignamus; Decernentes jus patronatus, & presentandi hujusmodi illius omnino nature, & vigoris existere, cuius jus patronatus Regium ex fundatione, & dotatione existit, ac quascumque provisiones, commendas, administrationes, uniones, & dispositiones tam de vacantibus, quam de vacaturis per viam accessus, & regressus, & alias quomodolibet etiam de consensu illam, vel illa pro tempore obtinentium de Ecclesia Elnen., ac Monasteriis predictis absque presentatione, aut expresso consensu tuo, tuorumque Successorum predictorum per Nos, dictosque Successores nostros Romanos Pontifices, & Sedem predictam quomodolibet ex nunc de cetero faciendas, aut pro tempore factas, & quascumque Literas Apostolicas desuper quomodolibet confectas etiam quascumque derogationes quorumvis iurium presentandi, seu nominandi etiam cum quibusvis efficacissimis, & insolitis clausulis in se continentibus nullius roboris, vel momenti existere, & fore; Sicque, & non aliter per quoscumque Judices ordinarios, & delegatos etiam causarum Palatii Apostolici Auditores, ac S. R. E. Cardinales quavis auctoritate fungentes, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Decretum irritans, & clausula iudiciali.

Derogatio contrarium

§.2. Non obstantibus quibusvis Cancellarie Apostolicæ Regulis editis, & edendis, aliisque Constitutionibus, & Ordinationibus Apostolicis necnon Ecclesie Elnen., & Monasteriorum predictorum, ac Ordinum, quorum illa sunt, etiam iuramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis sub quibuscumque tenoribus, & formis, ac cum quibusvis clausulis, & decretis in genere, vel in specie, & alias in contrarium quomodolibet concessis, approbatis, & innovatis. Quibus omnibus, & singulis etiam pro illorum sufficienti derogatione de illis, eorumque totis tenoribus specialis, specifica, expressa, et individua, ac de verbo ad verbum non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, presentibus pro plene, et sufficienter expressis, ac ad verbum insertis habentes illis alias in suo robore permanentibus, ad præmissorum effectum, hac vice dumtaxat specialiter, et expresse dero-

gamus, ceterisque contrariis quibuscumque.

§.3. Ceterum quanto magis maiestatem tuam, ejusque successores favoribus, et gratis ex Apostolicæ Sedis benignitate prosequimur, et decoramus, tanto magis pro injuncto Nobis pastoralis sollicitudinis munere Nos obstringi dignoscimus ad exigendum a Te, ut ubi Sedes Apostolica Tibi nova paternæ benevolentie cumulat argumenta, filialis debeant ibi observantie jura nostra erga ipsam Sedem Apostolicam vel contiouata servari, vel intermissa restitui. Intendimus itaque, ut in Civitate Elnen., et Comitatus, ac Vicariis, aliisque omnibus, et singulis locis, et ditionibus predictis ejusdem Sedis Apostolicæ jura quæcumque præsertim vero circa Tribunalis Inquisitionis adversus hæreticam pravitatem jurisdictionem Concilii Tridentini, Literarumque Apostolicarum in die Cœnæ Domini legi solitarum observantiam, et executionem, liberam appellationum in causis ad forum Ecclesiasticum quoquo modo spectantibus, tam super possessione, quam petitorio ad Romanam Curiam devolutionem facultates Judicis, ut vocant del Breve in illis partibus vigore Literarum Apostolicarum in simili forma Brevis expeditarum deputari soliti, reservationes mensium Apostolicorum, aliasque omnes tam generales, quam speciales Apostolicas Beneficiorum provisiones, pensionum super ipsis assignationes, spolia, et annatas Camere Apostolicæ debitas, et ad ipsas exigendas, ministrorum deputationem, ita hodierno, et futuris ditionum Successorum temporibus salva semper, et illæsa quoad omnes suas partes omnino maneat, serventur, atque executioni respective mandentur, et quatenus opus sit in pristinum restituant, prout in dicta Civitate Elnensi, et Comitatus, et Vicariis, aliisque omnibus, et singulis locis, et ditionibus predictis ante annum 1640. manebant, servabantur, et executioni demandabantur. Declarantes nostram intentionem, atque enixam voluntatem esse, ut predicta jus patronatus, et presentandi concessio præfata observantie executioni, et restitutioni innitatur, et conformetur.

Datum Romæ apud Sanctum Petrum, sub Annulo Piscatoris, die nona Aprilis 1668. Pontificatus nostri Anno I.

Dat. die 9. Apr. 1668. An. I.

L. V.

Indultum Regi Christianissimo nominandi ad Dignitates Abbatiales, & regimina Monasteriorum, Prioratus, Præposituras, seu Præpositatus Conventum habentes in locis, & ditionibus Belgicis, quæ de presenti possidet.

Ex Regest. in Secr. Brev.

Cba-

Charissimo in Christo filio nostro Ludovico Francorum Regi Christianissimo.

CLEMENS PAPA NONUS

Charissime in Christo fili noster salutem, & apostolicam benedictionem.

Exordium.

§.1. Præclara Maiestatis Tuæ, ac Progenitorum, & Majorum Tuorum Regum Christianissimorum Principum longe clarissimorum, invictissimorumque Christi Athletarum, ac egregiorum Sedis Apostolicæ cultorum promerita exigunt, ac præcipuus, quo eandem Maiestatem Tuam filiali erga Nos, & eandem Sedem observantia, ac pietate orthodoxæ fidei conservanda, propaganda zelo, aliisque Rege Christianissimo dignis virtutibus, atque decoribus multipliciter præfulgentem prosequimur, paternæ charitatis affectus Nos urget, atque impellit, ut tibi luculentæ Pontificiæ nostræ benignitatis dona largiamur; firma spe, atque fiducia in Domino freti, fore, ut Tu via eorumdem Majorum tuorum vestigiis impressæ inhaerens, populos ditioni Tuæ credens in Fide Catholica, ac vetere erga Sedem prædictam obedientia continere pari laude conaturus, Constitutionesque Apostolicas in universis dominiis Tuis debite semper executioni mandari, ac Sedis ejusdem honorem, & auctoritatem illibatos conservari omni studio sis curaturus.

§.2. Volentes itaque Tibi, qui (ut accepimus) Urbes Atrebatum, Heddinum, Bapalinam, Bethuniam, Lilerium, Lenticum, Comitatum S. Pauli, Tervanam, Passium earumque Ballivatus, alios quoque Ballivatus, & Castellanas agri Atrebatensis, necnon Rentiacum, Urbes itidem Arcelesque, Gravelingam, Arcem Philippeam, Slusam, Hannuinum, Burburgum, & Urbem Sancti Venantii in Flandria, Landrecejum, & Quercetum in Hannonia, Avennam quoque, Mariæburgum, ac Philippopolim; Insuper in Agro Lucemburgico Theodonis Villam, Malmmedium, Domuillerium, Urbem Jvodium, ejusque Præposituram, Castrum Chavanciacum, ejusque Præposituram, & Marvillam earum Ballivatus, Castellanas, Præfecturas, Præposituras, Territoria, Dominia, ditiones, accessiones, appendices, & adjuncta de presenti possides, & per totum annum 1666. possidisti, quo regiam benevolentiam erga personas benemeritas, Tibique gratas, & acceptas exercere valeas, gratiam facere specialem, ac sperantes Te in nominandis ad infra scripta Beneficia personis, quæ vite integritate, religione, fide, & doctrina præsentent, summum studium, summamque diligentiam semper adhibiturum, nec conscientiam Tuam, hac in re ullo modo lædi passurum esse tuis, hac in parte supplicationibus inclinati, Tibi tua tantum vita durante, & quandiu in sinceritate fidei, & unitate Sanctæ Romanæ Ecclesie, necnon obedientia,

Bull. Rom. Tom. VI. Par. VI.

ac devotione nostris, & Successorum nostrorum Romanorum Pontificum canonicè intrantium perstititeris, jus, & facultatem nominandi Nobis, & Romano Pontifici pro tempore existenti tam ad dignitates Abbatiales, aut quorumcumque Monasteriorum regimina, etiam per Priores, aut Præpositos regi, & gubernari solitorum, quam etiam ad quoscumque Prioratus, Præposituras, aut Præpositatus Conventum habentes intra Urbes Atrebatum, Heddinum, Bapalinam, Bethuniam, Lilerium, Lenticum, Comitatum S. Pauli, Tervanam, Passium, earumque Ballivatus, alios quoque Ballivatus, & Castellanas Agri Atrebatensis, necnon Rentiacum, Urbes itidem Arcelesque, Gravelingam, Arcem Philippeam, Slusam, Hannuinum, Burburgum, & Urbem S. Venantii in Flandria, Landrecejum, & Quercetum in Hannonia, Avennam quoque, Mariæburgum, & Philippopolim; Insuper in Agro Lucemburgico Theodonis Villam, Malmmedium, Damuillerium Urbem Jvodium, ejusque Præposituram, Castrum Chavanciacum, ejusque Præposituram, & Marvillam earum Ballivatus, Castellanas, Præfecturas, Præposituras, Territoria, Dominia, ditiones, accessiones, appendices, & adjuncta prædicta a Te de presenti, & per totum annum 1666, ut præfertur, possessa dumtaxat consistentes, & consistentia, dummodo intra septa illorum existant, etiam sub temporali dominio aliorum, Procerum consistenter, vel temporalem Jurisdictionem habeant, ac etiam Prioratus, Præposituræ, aut Præpositatus, necnon Monasteria, nuncuparentur pro tempore vacantes, seu vacantia per Nos, & Romanos Pontifices Successores nostros ad nominationem Tuam infra decem menses a die cujuslibet vacationis faciendam, ac Nobis, & Romano Pontifici pro tempore existenti presentandam conferendos, & conferenda, auctoritate Apostolica, tenore presentium de specialis dono gratie concedimus, & indulgemus; Itaut de dictis Dignitatibus Abbatialibus, aut quibuscumque Monasteriis, Prioratibus, Præposituris, & Præpositatibus predictis pro tempore vacantibus absque nominatione Tua præfata, de aliis vero sub nominatione hujusmodi non comprehensis, & absque illa libere conferendis, Dignitatibus videlicet secularibus, principalibus, & regularibus actu non conventualibus infra predictos districtus consistentibus non nisi de locis Tuæ ditioni subjectis, aut tibi gratis, & acceptis personis per Nos, & Successores nostros Romanos Pontifices, & Sedem eandem pro tempore disponi, & respective provideri minime possit.

Jus nominandi conceditur prout in Rub.

Derogatio contrarium

§.3. Non obstantibus quibuscumque Constitutionibus, & Ordinationibus Apostolicis, ac singulorum Prioratum, Præpositurarum, & Præpositatum predictorum, ac Ordinum, quorum illi sunt, seu quibus dependent, etiam iuramento, confirmatione Apostolica, vel quavis firmitate

li 2

tate